



სახელმწიფო სერვისების
განვითარების სააგენტო

სასტუმროს მომსახურება (CPV – 55100000)

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის
2. საკვალიფიკაციო მოთხოვნები
3. ანგარიშსწორების პირობები:
4. შესყიდვის ობიექტის მიწოდების ვადები და ადგილი
5. ფასწარმოქმნის ადეკვატურობა
6. პრეტენდენტის მიერ სისტემაში ასატვირთი მონაცემები
7. ტექნიკური პირობა
8. სახელმწიფო შესყიდვების შესახებ ხელშეკრულების პროექტი
9. დანართი #1 – ფასების ცხრილი
10. დანართი #2 – რეკვიზიტები

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრეტენდენტს არა აქვს უფლება წარმოადგინოს ალტერნატიული წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

საკონტაქტო პირები:

მარინე გვრიტიშვილი, ტელ: 2 40 10 10-3114; 5 (77) 615 515; ელ ფოსტა: m.gvritishvili@sda.gov.ge
გიორგი მესხი, ტელ: 2 40 10 10-3116; 5 (91) 12 13 13; ელ. ფოსტა: g.meskhia@sda.gov.ge

2. საკვალიფიკაციო მონაცემების დამადასტურებელი დოკუმენტები არ მოითხოვება.

3 ანგარიშსწორების პირობები:

3.1 შესყიდვის ობიექტის ღირებულება არ უნდა შეიცავდეს საქართველოს კანონმდებლობით გათვალისწინებულ გადასახადს დღგ-ს, პროექტი სარგებლობს დღგ-სგან გათავისუფლებით ჩათვლის უფლებით.

3.2 ანგარიშსწორება მოხდება უნაღდო ანგარიშსწორებით ლარში.

3.3. ანგარიშსწორება განხორციელდება მიღება-ჩაბარების აქტის გაფორმებიდან 20 (ოცი) დღის განმავლობაში.

3.4 საავანსო ანგარიშსწორება არ გამოიყენება.

3.5 დაფინანსების წყარო: 2016 წლის შვედეთის საერთაშორისო განვითარების სააგენტო (SIDA) გრანტი.

3.6 ხელშეკრულების უზრუნველყოფის საბანკო გარანტია არ მოითხოვება.

4. შესყიდვის ობიექტის მიწოდების ვადები და ადგილი:

4.1 მომსახურების გაწევა უნდა განხორციელდეს 2016 წლის 8-9 აპრილს.

4.2 შესყიდვის ობიექტის მიწოდების ადგილია კახეთის რეგიონი.

5. ფასწარმოქმნის ადეკვატურობა

„გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-11 მუხლის 21 პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 3 (სამი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა შესაძლოა დასაბუთდეს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სსიპ აკრედიტაციის ერთიანი ეროვნული ორგანოს - აკრედიტაციის ცენტრის მიერ შესაბამის სფეროში აკრედიტებული ნებისმიერი პირის მიერ გაცემული დასკვნის საფუძველზე, ან შესყიდვის ობიექტის მიწოდებასთან დაკავშირებით პრეტენდენტის მიერ ანალოგიური მომსახურების მიწოდების შესახებ გაფორმებული ხელშეკრულებით ან ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

6. პრეტენდენტის მიერ სისტემაში ასატვირთი მონაცემები:

6.1. ფასების ცხრილი დანართი №1-ის შესაბამისად.

6.2. რეკვიზიტები დანართი №2-ის შესაბამისად.

6.3. ინფორმაცია წინამდებარე სატენდერო დოკუმენტაციის ტექნიკური პირობის დაკმაყოფილების შესახებ.

6.4 ინფორმაცია მომსახურების გასაწევად გამოყოფილი სასტუმროს ადგილმდებარეობის შესახებ, მითითებული სასტუმროს სარგებლობის (ან საკუთრების) უფლების დამადასტურებელი დოკუმენტის დართვით.

6.5 ინფორმაცია საკონტაქტო პირის/ების შესახებ, სატელეფონო ნომრის მითითებით, რომელსაც დაევალება მომსახურების გაწევის საორგანიზაციო საკითხები.

7. ტექნიკური პირობა

სასტუმროს მომსახურების შესახებ

12 პერსონისთვის სასტუმროს მომსახურება

მომსახურების პერიოდი 8-9 აპრილი, 2016 წ

შესყიდვის ობიექტი:

სასტუმროს მომსახურების შესყიდვა, რომელიც თავის მხრივ მოიცავს:

- ა) ტრანსპორტირებას.
- ბ) მონაწილეთა სასტუმროში დაბინავების მომსახურებას;
- გ) ტრენინგების, ვორქშოპებისა და შეხვედრებისთვის საკონფერენციო დარბაზით უზრუნველყოფას;
- დ) კვებით მომსახურებას;

შენიშვნა:

1. ტრანსპორტირება უნდა განხორციელდეს შემდეგი მიმართულებით:

თარიღი	გასვლის დრო	საწყისი პუნქტი	საბოლოო პუნქტი
8 აპრილი, 2016 წ.	10:00 სთ	თბილისი, იუსტიციის სახლი, სანაპიროს 2	სასტუმრო
9 აპრილი, 2016 წ.	14:00 სთ	სასტუმრო	თბილისი, იუსტიციის სახლი, სანაპიროს 2

ტრანსპორტირება უნდა განხორციელდეს სატრანსპორტო სფეროში დადგენილი სტანდარტების შესაბამისი სატრანსპორტო საშუალებით, რომელიც იქნება გათვლილი/კონდეცირების სისტემით გამართული.

2. შესყიდვის ობიექტის „ბ“, „გ“ და „დ“ პუნქტებით გათვალისწინებული მომსახურება უნდა განხორციელდეს ერთ სივრცეში, ერთი სასტუმროს კომპლექსში, რომელიც თავის მხრივ უნდა აკმაყოფილებდეს შემდეგ მოთხოვნებს:

- სასტუმროს უნდა ემსახურობდეს დაცვა და ჰქონდეს ვიდეო კონტროლის სისტემა;
- სასტუმრო არ უნდა იყოს განთავსებული საცხოვრებელი სახლის ნაწილში, მიწისქვეშ, შენობაში სადაც ორგანიზდება აზარტული თამაშები; -
- სასტუმროში ნომრების მინიმალური რაოდენობა უნდა შეადგენდეს 12 ნომერს, ყველა ნომერი განთავსებული უნდა იყოს ერთ კომპლექსში (ერთ შენობაში ან ერთ ეზოში);
- ერთ და ორადგილიან ნომრებში უნდა იყოს განთავსებული ინდივიდუალური საწოლები (გასაშლელი საწოლები არ განიხილება);
- სასტუმროში დაცული უნდა იყოს სისუფთავე, სასტუმროს ნომრები უნდა დალაგდეს ყოველდღიურად, თეთრეული და პირსახოცები უნდა იყოს გარეცხილი/გაუთოვებული, ჰიგიენის ნივთები და პირსახოცები უნდა იცვლებოდეს ყოველდღიურად.

- სასტუმროს ნომრებს უნდა ჰქონდეს ინდივიდუალური სველი წერტილები, მუდმივი წყალმომარაგება (ცხელი/ცივი წყალი), ელექტრომომარაგება (გენერატორი, ელექტროენერგიის შეზღუდვის შემთხვევაში), გათბობა და კონდინცირება; სველ წერტილებში სტუმარს უნდა დახვდეს შესაბამისი რაოდენობის ჰიგიენის ნივთები;
- ოთახში მინიბარის არსებობის შემთხვევაში, მინი-ბარის დანახარჯებს საკუთარი სახსრებით აანაზღაურებს სტუმარი;
- სასტუმროს უნდა ჰქონდეს მინიმუმ 1 (ერთი) საკონფერენციო ოთახი არანაკლებ 12 პერსონაზე;
- სასტუმროს ნომრებში, საკონფერენციო დარბაზში, და შენობის სხვა სივრცეში 24 საათის განმავლობაში ხელმისაწვდომი უნდა იყოს უფასო უკაბელო ინტერნეტი - WiFi;
- სასტუმროს ნომრები და საკონფერენციო დარბაზი, სამუშაო ოთახები განთავსებული უნდა იყოს ერთ კომპლექსში;
- სასტუმროს უნდა ჰქონდეს კეთილმოწყობილი ეზო;
- თუ სასტუმროს შენობა შეადგენს ოთხ სართულზე მეტს, მას უნდა ჰქონდეს ლიფტი;
- სტუმრის ბრალეულობით სასტუმროზე მიყენებულ მატერიალურ ზიანზე პასუხისმგებლობა ეკისრება სტუმარს.

მიმწოდებელმა მონაწილეთა სასტუმროში დაბინავების მომსახურების გაწევა უნდა უზრუნველყოს 2 დღის (1 ღამის) განმავლობაში 12 ადამიანზე ერთადგილიან და ორადგილიან ნომრებში (არანაკლებ 4 ცალი ერთადგილიანი ოთახი).

სემინარის მიმდინარეობისას, სემინარის პირველ დღეს, 8 აპრილს 12:00 საათიდან 19:00 საათის ჩათვლით, ხოლო სემინარის მეორე დღეს, 9 აპრილს, 10:00 საათიდან 14:00 საათამდე შემსყიდველს უნდა შეეძლოს 1 საკონფერენციო დარბაზის (12 კაციანი 2 დღით) გამოყენება. საკონფერენციო დარბაზი ყოველდღიურად აღჭურვილი უნდა იყოს შემდეგი ინვენტარით:

- 1 ცალი პროექტორი;
- 1 ცალი ფლიპჩარტი;
- 1 ცალი ფლიპჩარტის დაფა;

საკონფერენციო დარბაზი აღჭურვილი უნდა იყოს 12 არაგაზირებული მინერალური წყლის ნახევარლიტრიანი ბოთლებით, და შესაბამისი რაოდენობის ჭიქებით, ასევე 12 ცალი საწერი რვეულით და კალმით. საკონფერენციო დარბაზში უნდა იყოს გამართული გათბობა/კონდინცირების სისტემა.

სასტუმროს მომსახურების ღირებულებაში სამჯერად კვებასთან ერთად (შვედური მაგიდა) უნდა შედიოდეს დღეში ორჯერ 12 პერსონაზე ყავა/ჩაის შესვენება. საუზმის, სადილისა და ვახშმის მენიუ უნდა შედგებოდეს არანაკლებ შემდეგისგან:

- საუზმე: 4 სახეობის რძის ნაწარმი, 3 სახის ძეხვეული, 2 სახის ყველი, 2 სახის ცომეული, 2 სახის ცხელი კერძი, სასმელი (ყავა, ჩაი, წვენი, წყალი), მურაბა/ჯემი.
- სადილი: 2 სახეობის ყველი, 2 სახის წვნიანი, 2 სახეობის ცხელი კერძი, 2 სახის სალათი, 2 სახის საწებელი, 3 სახეობის ხილი, სასმელი (ყავა, ჩაი, წვენი, წყალი).
- ვახშამი: 2 სახეობის ყველი, 3 სახის ძეხვეული, 3 სახის ცხელი კერძი, 2 სახის სალათი, 2 სახის ცომეული, 3 სახეობის ხილი, სასმელი (ყავა, ჩაი, წვენი, წყალი).
- ყავა/ჩაის შესვენება: ხსნადი ყავა, ერთჯერადი ჩაი, ნამცხვარი, შაქარი, წვენი, წყალი.

შემოთავაზებული მენიუ უნდა იყოს მდიდარი რაციონის და იცვლებოდეს. კვების მომსახურების ზუსტი დრო შეთანხმდება შემსყიდველსა და მიმწოდებელს შორის. კვებითი მომსახურების გაწევის დროს მიმწოდებელმა უნდა უზრუნველყოს შესაბამისი რაოდენობის მომსახურე პერსონალის ადგილზე ყოფნა, ამასთანავე ცხელი კერძების შემთხვევაში მიწოდება უნდა მოხდეს შესაბამისი ტემპერატურით. კერძები და კვებითი პროდუქტები თავისი საგემოვნო თვისებებით უნდა შეესაბამებოდეს შესაბამის სტანდარტებს და უნდა იყოს საკვებად ვარგისი და ჯანმრთელობისთვის უვნებელი, რაზეც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.

შენიშვნა: სატენდერო დოკუმენტის ტექნიკური პირობა დანართის სახით დაერთევა გამარჯვებულ პრეტენდენტთან გაფორმებულ ხელშეკრულებას და სავალდებულო იქნება მისი ყოველი პუნქტის შესრულება.

8. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც გაფორმდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2016წ.

ერთის მხრივ სსიპ სახელმწიფო სერვისების განვითარების სააგენტო (შემდგომში „შემსყიდველი“), მისი წარმომადგენლის, სააგენტოს თავმჯდომარის მოადგილის ნინო ინწკირველის და მეორეს მხრივ _____ (შემდგომში „მიმწოდებელი“), მისი დირექტორის _____ სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, #SPA1_____ გამარტივებული ელექტრონული ტენდერის ჩატარების შედეგად, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის საფუძველზე დებენ სახელმწიფო შესყიდვის შესახებ ხელშეკრულებას

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც აწვდის საქონელს ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების მომსახურება.

2. ხელშეკრულების საგანი

სასტუმროს მომსახურება
(CPV-55100000)

3. ხელშეკრულების ღირებულება

3.1. ხელშეკრულების ღირებულება შეადგენს არაუმეტეს ----- ლარს.

3.2. ხელშეკრულების ღირებულება მოიცავს როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს გარდა, (პროექტი სარგებლობს დღგ-სგან გათავისუფლებით ჩათვლის უფლებით)..

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული შესყიდვის ობიექტის მიწოდება ხელშეკრულებით გათვალისწინებული პირობების შესაბამისად;
 - ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
 - გ) ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით;
 - დ) ხელი შეუწყოს შემსყიდველს ინსპექტირების განხორციელებისას;
 - ე) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
 - ვ) განახორციელოს ამ ხელშეკრულებით მასზე დაკისრებული სხვა ვალდებულებები.
- #### 4.2. შემსყიდველი ვალდებულია:
- ა) უზრუნველყოს ხელშეკრულების შესრულების კონტროლი;
 - ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

- 5.1. შემსყიდველის მხრიდან შესყიდვების კონტროლს (ინსპექტირებას) განახორციელებს სახელმწიფო სერვისების განვითარების სააგენტოს _____, ხოლო ხელშეკრულების პირობების შესრულების კონტროლს განახორციელებს _____
- 5.2. შესყიდვის ობიექტის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.
- 5.3. ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საკუთარი ხარჯით, მის მიერ შერჩეული მეთოდით შეამოწმოს მოწოდებული შესყიდვის ობიექტის ხარისხი ნებისმიერ დროს.

6. შესყიდვის ობიექტის მიწოდების პირობები

- 6.1 მიწოდებულ შესყიდვის ობიექტთან ერთად მიმწოდებელმა უნდა მიაწოდოს შემსყიდველს შემდეგი დოკუმენტაცია: საგადასახადო ანგარიშ-ფაქტურა (კანონმდებლობით გათვალისწინებულ შემთხვევაში), სასაქონლო ზედნადები, შესყიდვის ობიექტის დასახელების, რაოდენობის, ერთეულის ფასის და საერთო ღირებულების მითითებით.
- 6.2 პასუხისმგებლობა აღნიშნული დოკუმენტების დაგვიანებით მიღების შედეგად შემსყიდველისთვის წარმოქმნილი ყველა ხარჯისთვის ეკისრება მიმწოდებელს.

7. შესყიდვის ობიექტის მიღება-ჩაბარების წესი

- 7.1 მიწოდებული შესყიდვის ობიექტის მიღება-ჩაბარება უნდა განხორციელდეს შემსყიდველის მხრიდან ინსპექტირების განმახორციელებელი პირების მონაწილეობით, მიღება-ჩაბარების აქტის გაფორმებით, სადაც მიეთითება მიწოდებული შესყიდვის ობიექტის დასახელება, რაოდენობა და ფასი.

8. შესყიდვის ობიექტის მიწოდების ადგილი და ვადები

- 8.1 შესყიდვის ობიექტის მიწოდების ვადაა 2016 წლის 08-09 აპრილი;
- 8.2 შესყიდვის ობიექტი მიწოდების ადგილია _____ .

9. ანგარიშსწორება

- 9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (კანონმდებლობით გათვალისწინებულ შემთხვევაში) 20 (ოცი) დღის განმავლობაში.

9.8 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

11. ხელშეკრულების პირობების შეუსრულებლობა

11.1. თუ მიმწოდებელი: არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები;

11.2. თუ მიმწოდებელი გაფრთხილების (შემსყიდველის მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება; ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;

11.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში;

11.4. მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით;

11.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

11.6. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.7 პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

11.8 გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

12 დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის _____

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ერთი - შემსყიდველს.

17. მხარეთა რეკვიზიტები:

ფასების ცხრილი

პრეტენდენტის დასახელება _____

№	სასტუმროს დასახელება და ადგილმდებარეობა	ადამიანების რაოდენობა	ერთი პერსონის მომსახურების ღირებულება	საერთო ღირებულება
1		12		

პრეტენდენტის ხელმოწერა _____

შენიშვნა: პრეტენდენტის მიერ წარმოდგენილი სატენდერო წინადადების ფასი (ერთეულის ფასი და საერთო ღირებულება) უნდა მოიცავდეს როგორც შესყიდვის ობიექტის ღირებულებას, ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (მათ შორის ტრანსპორტირების ხარჯს) და საქართველოს კანონმდებლობით გათვალისწინებულ გადასახადებს, გარდა საქართველოს კანონმდებლობით გათვალისწინებულ გადასახადს დღგ-ს, პროექტი სარგებლობს დღგ-სგან გათავისუფლებით ჩათვლის უფლებით.

1.რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში: